

Sinus.

Vnde de Italia Plinius: *Tos Maria*, portus, gremiumque terrarum commercio patens undique, & tanquam ad juvandos mortales ipsa avide in mare procurrens. Sinus habet plurimos, inter quos, *Rapallinus*, *Erycis*, *Amnecianus*, *Mare*, *Sinus*, *Batanus*, *Pestanus*, *Hipponiatus*, *Scylleticus*, *Tarentinus*, *Vrias*, *Tergestinus*, *Largus*, & *Flanaticus*. Post Sinus nominavi *Portus*. Italiam plerisque in locis importuosam esse, scribit Strabo lib. v i, & quos habet Portus, magnos esse atque admirabiles, horum illud adversus exterorum incursiones usui esse, hoc ad invadendos vicissim exteros, & expeditam Mercaturæ copiam conducere.

Portus.

*Portus* autem *Olivunla*, *Anaonis*, *Avionis*, *Herculis Monæci*, *Maurici*, *Albingauni*, *Vadum Sabatorum*, *Savona*, *Genua*, *Delphin*, *Erycis*, *Luna*, *Pisanus*, *Vadum*, *Populoni*, *Falesia*, *Scabrorum*, *Telamonis*, *Herculis*, *Gravisca*, *Augusti*, *Antias*, *Caieta*, *Julius*, *Baiannus*, *Vilinus*, *Metaurus*, *Orestis*, *Castra Hannibalis*, *Tarentinus*, *Brundisius*, *Gerne*, *Agasus*, *Anconitanus*, *Ariminensis*, *Ravennas*, *Peretolus*, *Livenza*, *Pola*, multique alii. Portuum enarrationi succedit *Montium*. Inter eos principem obtinent locum *Alpes*. quas Galliarum quis, an Germaniarum, vel Italiae adscribat parum refert: sunt certe Montes, qui Italiam hodie ab Gallia Germanique, procurfu suo, tamquam nativo muro separant. Nomen *Alpibus* datum censet Festus ab Candore, Sabini enim *Alpum* dixere, inquit, quod postea Latini *Album*. Isidorus *Alpium* nomen vult esse Gallicum: & Gallorum lingua *Alpes* Montes alios vocari. Agnoscit hodie nomen *Alpium* Idioma Germanicum: cui tamen non id quod notat Isidorus significat. *Alp* enim & *Alpen* Germanis Montes vocantur pascui, in quibus fœnū non secatur, inque hibernos usus colligitur: sed in quos Boves aliaque Armenta pascendi tantum gratia milituntur. *Albia* & *Alpionia* olim hos Montes dictos fuisse scribit Strabo. Stephano etiam *Alpia* & *Alpij* dicuntur. *Olbia* sunt Phavorino *Salpij*, Lycophroni. *Alpis* singulari numero est apud Ovid i i i de Arte Amandi, Lucanum, alios: *Alpius* apud Dionysium Afrum. Multa etiam *Alpium* nomina in Veterum Monumentis occurrunt, quæ indicant multas quoque *Alpium* partes fuisse, per quas itinera patuerunt. Ea sunt, *Alpes Maritimæ* quæ & *Ligusticæ*: *Cottia*, *Grata*, *Penina*, *Alpes Summa*, *Lepontia*, *Rætica*, *Julia* & *Carnica*. Hæc de *Alpibus* quæ Italiam secundum latitudinem ab Gallia Germanique separant: sequitur *Apeninus*, qui inter Superum Mare & Inferum excurrens perpetuo ductu eandem secundum longitudinem secatur in duo latera. Sic dictus putatur, quod radices habeat sub *Penino* Hannibalis transitu: ejusque iuga contingat. Nonnullis *Apeninus*, quasi a *Pœnis*, quum Hannibale Duce, in Italiam irrumperent, patefactus: quidam ab *Api* prisco Duce, qui totam Italiam devicit, derivant. *Apenima* Ptol. & alii: *Apenium* Steph. *Apeninus Mons*, inquit Plin. Italia amplissimus perpetuis ingis ab *Alpibus* tendens ad *Siculum Fretum*. Multos alios habet Italia Montes: vel qui minores *Apenini* sunt Portiones & quædam quasi Membra: vel quos idem, tamquam fœcundus multorum genitos, ex se hinc inde protendit: vel denique, quos haud procul ab se locatos, radicibus eos suis contingens majestate quadam & superiore conjacentibus fastigio despicit. Eos ego, ne prolixior sim, hoc loco prætereo. Montes porro de quibus proxime dixi, & Valles Campique, suis superbiunt *Silvis*, *Lucis*, *Nemoribus*, quorum non pauca apud priscos etiam nominibus leguntur celebrata.

Montes.

In Etru-